

**Landesbibliothek Oldenburg**

**Digitalisierung von Drucken**

**Phaedri Avgusti Liberti Fabvlarvm Aesopiarvm Libri V.**

**Phaedrus**

**Rintelii, MDCCXXXVIII**

**VD18 13044567**

Fab. X. Fur aram compilans.

**urn:nbn:de:gbv:45:1-17134**

suit saccum, a pectore et tergo, diuiso velut  
onere, pendentem: sed partem leuorem pro-  
priis repletam vitiis post tergum dedit: gra-  
viorem longe, vitiis refertam alienis, conspi-  
ciendam semper, ante oculos posuit. Factum  
inde est, ut scelera nemo sua cernere queat:  
omnes vero grauissimi in delictis alienis cen-  
sores existant.

## FAB. X.

*Fur aram compilans.*

Lucernam fur accedit ex ara Iouis,  
Ipsumque compilauit ad lumen suum;  
Onufus qui sacrilegio quum discederet,  
Repente vocem sancta misit religio:  
Malorum quamuis ista fuerint munera, 5  
Mihique inuisa, ut non offendar subripi;  
Tamen, scelestae, spiritu culpam lues,  
Olim quum adscriptus venerit poenae dies.  
Sed ne ignis noster facinori praeluceat,  
Per quem verendos excolit pietas Deos, 10  
Veto esse tale luminis commercium.  
Ita hodie nec lucernam de flamma Deum,  
Nec de lucerna fas est accendi sacrum.

Quot res contineat hoc argumentum utiles,  
Non explicabit aliis, quam qui repperit. 15  
Significat primo, saepe, quos ipse alueris,  
Tibi inueniri maxime contrarios.  
Secundo ostendit, scelera non ira Deum,  
Fatorum dicto sed puniri tempore.  
Nouissime interdicit, ne cum malefico  
Usum bonus confociet ullius rei. 20

Nul-



*Nullum, si vel maxime occultum, sine vindicta  
peccatum.*

Fur quidam nocte ex ara Iouis lucernam accendit: eoque lumine usus res, quas potuit, ex illius fano pretiosas aufert. Sacrilegio peracto, cum simius et semissis homo praeda opima bene onus tus reuerteretur: diuinam repente audiuit numinis vocem: quamvis ista malorum dona, quibus templum voluerunt ornare meum; neque adeo mihi fuerint grata, quin facile passus iam essem scelerata surripi manu: tu tamen, sacrilege, te persequentem senties Nemesin, ac istud tantum flagitium debebis breui, suppicio destinatus cum venerit dies, capit is grauissima luere poena. Interea temporis, ne quis, ad sua scelera perpetranda, igne nobis sacro abutatur, quo superos vulgo homines deuota mente collere student: eiusmodi nullum posthac lumenis commercium esto: ut liceat cuiquam facris Deum flammis accendere lumen; aut sacram facere de lucerna: sempiternum ignem sacrorum inextinctum seruanto. Quot res ad mortalium mores formandos accommodatae hoc uno arguento contineantur, nemo facilius explicare poterit, quam qui primus hanc fabulam inuenit, et optimus est suorum verborum interpres. Indicat primo, saepius maxima nos afficere ignominia, quos beneficiis ipsi cumulare, ac in sinu quasi fouere non dubitauimus. Demonstrat porro, cum videat Deus

Deus, patrari scelera, ipsum affectibus quidem illis carere, quibus vulgo mortales exardere soleant: sed tamen nihil prorsus fugere illius prouidentiam, ac statu crimen vniuscuiusque vindicari tempore. Extremo docet, sacra cum profanis non esse permiscenda temere: et bonorum cum malis commercium subsistere nullum.

## FAB. XI.

*Malas esse diuitias.*

Opes inuisae merito sunt forti viro,  
Quia diues arca veram laudem intercipit.

Coelo receptus propter virtutem Hercules,  
Quum gratulantes persalutasset Deos,  
Veniente Pluto, qui fortunae est filius,  
Auertit oculos. Caussam quaesivit pater.  
Odi, inquit, illum, quia malis amicus est,  
Simulque obiecto cuncta corrumpit lucro.

*Opes vulgo irritamenta malorum.*

Animo generoso et forti nunquam non suspectae sunt diuitiae, quas qui custodiunt et laudant, iners otium vulgo deliciasque, minime laudandas, sequuntur. Cum Hercules, Iouis et Alcmenae filius, propter res fortiter gestas, in diuum reciperetur numerum, et gratus in coelis hospes eadem concione omnes ordine salutaret Deos, qui societatem illi novamque felicitatem congratulabantur: Fortunae ad eum veniente filio, Plutone, auertit oculos suam ut testaretur indignationem atque odium. Auerisionis Iupiter quaerit caussam.

Et

